

甘肅青史略卷二十五

清德宗光緒二十一年閏五月狄道告急

先是五月二十七日署狄道州

搶劫良民等語請招募土勇五百名以狀聲威通稟各處求發口糧總督

謂地方搶劫之案刻下惟將匪徒姓名存案俟河回平靖然後按名往拿

有土匪每起必舉恐此案未獲彼案又發捕而見拒傷人必多轉難措手

尙無動作循圍已解嚴匪勢窮亦無甚緊要一若狄道可以無事也者

有文生晏永寧者狄道人來省請兵赴各署擊鼓呼號百姓深觀者千數

求發兵救援查該省河州大東鄉之賊並有狄回馬維翰在內攻城甚急

居民慘遭殺戮總督擬派蘭山道黃雲同鄧全忠三營前往遂購槍百餘枝

聽候提兵起程百姓聞之始紛然而散全忠尙未出省是月十八日狄道圍已解

案勞薪錄內載批狄道州陳家堡紳耆陳殿元請發軍火稟訪聞該州文生晏永寧前來
請兵求發軍火之日何等急迫大張賊勢搖動滿城人心惶惶率皆由此及准發軍火之
後則在省城道遙數日屢經本營務處嚴飭謝總兵儘其人道從容而行於沿途經過
所在將才杆四百根沿途寄頓甚將七響洋槍子藥分送朋友業經飭令該管地方官查
明稟覆如有短少卽令賠償傳聞
如果屬實陳叔實全無心肝矣
墓毒祺曰狄道以洮水爲保障洮水之西卽河州之大東鄉中隔一衣帶水雞犬之聲相
聞也同治初河回倡亂狄道受禍最先亦最慘及大軍肅清關隴入其城但見瓦礫成堆

萬與城齊環城數十里無煙火蓋元氣摧殘盡矣此次河回倡議狄道士大夫未雨綢繆自行籌備雖在圍城之中而終不至蹈同治之覆轍者衆志成城有以哉

狄河難民紛紛來省

時狄河回匪大肆猖獗攻掠堡寨專與漢民爲仇人煙輻輳之區有人編練民團尙堪支持數日以待官軍之援救其他零星住戶

不能一朝居悉來省城長官不知也日者關山道黃雲因事往仁門子一帶見有以雙籠盛男女擔之者又有以肩荷兒女孀者又有老翁嫗攜子於沙泥間者又有小婦女纖足不能行拄杖衣襟樹憩息間有舉止安雅如士夫家容狀者鵲形鳩面蔽衣盡縷類乞丐者甚多或掃落葉枯枝支釜石上作炊或採蔬取乾糲手掬泉水和咽之亦或枕被酣睡又或嘆息嗟咽如不自勝約數千餘人雲下車問之爾等係何縣人將往何所何爲艱苦至此則羣爲垂涕曰吾等皆狄河人爲匪所蹂躪無以爲生棄其田土房屋來省乞食以保餘生言之淚款款下擬設難民收容所不敢擅專次日避難之民齊集於省城者男婦約萬餘人齊集督署閤開司道前往彈壓雲請將狄河難民安置貢院號舍中復給糧以賑之

幕壽祺曰仁人之言其利溥哉黃雲見難民之顛連困苦惻然有動於衷卽予棲息之處復免飢餓之虞何慮之周而爲之勇也善是時監司大員猶知見好於民倉儲亦不至一空如洗狄河雖有匪患隴東河西之糧不難源源而來也及民國十七年狄河難民來省避難者露宿於西關一帶僣屍盈路餬口無資安得復有如雲其人者爲之代謀生路也哉

童出語輒驚人尤深於詩弱冠後益留心經世之學登明正德辛未進士彭少保澤仇威甯伯鉞勦匪四川以應龍掌書記禮功保知縣留四川游獵至按察司而吟哦不廢高麗使上詩於朝有應龍文字實堪師之句雪峯李卓蘭彭辛菴即少保澤爲撰墓誌武功廉對山銘之

有番武之智
謀而後可以撫
極太要叔夜之
威而後可以降
梁山寇招降
率非易事

慕壽祺曰招安兩字誤盡蒼生昔同治初陝甘回亂朝廷屢詔督撫殺賊而督撫倡議招撫雖畏怯不敢戰然猶目之曰賊迨其後甯夏將軍青海辦事大臣日遣使與賊議和是直認爲交戰國體適長寇氣郡縣守令聞賊至則棄城逃匿甚則奉印綬以降回思往事可爲痛心今洪雲往河州招撫豈非甘蹈覆轍也耶

以蘭州道賁雲爲全省營務處

自狄道告急人心恐慌總督亦別無良策前欽鎮將兵則加兵而兵已無多請餉則予餉而餉又不濟提督

雷正綰以河州撫事不成將以武裝從事來電請速援助亦不過行一文下一札催督而已日復一日警報紛馳有人鸛首道黃雲曾隨曾國藩盪平髮逆於軍事經驗甚深事急矣可用之乃於是月初十日奏明在案後五日始頒發關防黃雲遂委游擊喻光炳守備談紹雲招募衛隊一哨總督准募兩哨又委周紫高陳仕根二員開招矣慕壽祺曰甘肅自軍務平定久無總理營務處之名黃雲奉委後以無舊章可循諸事草創又知經費難籌不能開展外人不知紛紛投効學毛遂自薦者文武已來百餘人矣卒以僧多粥少不無怨望而軍事則從此漸有頭緒矣

河州各鄉回復叛圍城甚急

是月十六日河紳李秀率難民千數百人來省喊稟以州北十大堡被回攻破殺戮人民無算請發兵救援時則州

城猶未被圍也已而河州各鄉之回蜂擁而起來攻州城提督雷正綰坐困孤城度日如年總督允調總兵湯彥和入關救援

慕壽祺曰自老湘軍收撫河州才二十餘年向之幸逃法網者又紛紛起共爭矣而圖外將軍謂羌一氣所生不可誅盡皇皇然號於衆曰非納降無以勸善而更開逆意使賊利則進戰鈍則乞降長寇辜民圍城攻堡至今爲梗誰屬之階譬之水弗塞來源未流彌增其廣譬之草弗剪厥根來歲必茁其芽君子觀河回之復叛而追思往事未嘗不太息於招安兩字之誤盡蒼生也

營務處黃雲派兵稽察蘭州西關禮拜寺

省城回教禮拜寺有五惟西關規模弘敞上蓋綠琉璃瓦與殿廷無異乾隆四十六

年撒拉回之叛由河州犯省城當其初爭教也旅省河州回民先以鉛丸火藥實入棺中
爲爲到寺沐浴請阿訇念經也者或送西關禮拜寺及華林山佛寺將鉛藥埋入土中而
公家不知也及撒拉攻城初據禮拜寺後退至華林山俯瞰城中負隅死守日以父子鎗
射擊省城現在河回復叛黃雲以西關爲走河州大路恐蹈乾隆時覆轍故派兵稽察禮
寺拜

回匪屢攻河州甯河堡不克

河回於閏五月初圍攻州城並分股圍南鄉甯河堡及大

薛麻槽鍋底岩牆鹿溝相繼淪陷殺傷難民約五六千人甯河堡原有河標練軍步兵一
哨哨官永國帶之負城防責再有和政汛兵四名經制徐義烈帶之負巡查責並有難
民三千餘家先於五月間紳耆潘慰張華等奉雷提督委辦民團至是共成七團藍翎守
備潘慰管帶中營花翎游擊銜胡明望管帶前營花翎副將銜張福管帶左營總鄉約張
爾榮管帶右營總鄉約孟麟管帶後營花翎都司銜宗智威管帶副中營典史職銜張華
管帶副前營新夕訓練遂成勁旅所需一切籌備處員生黃作仁王仲甲辦支之貢生陳
光德生員胡玉堂典史職銜潘世黃桂在外奔呼籲請救援領軍裝蒙甘肅布政使
總營務處曾蘇發給人暇小暇及彈藥各種陳光德等遂遣人繞道番境資夜進至甯河
堡堡中得此軍裝有恃無恐賊環城四面皆建欄樓並在北城明搭雲梯暗挖地道猛攻
十二三次迄未得逞又民團出戰七八次曾哨官以練軍助之每獲勝利其最著者七月
初九夜出其不意下城踏營賊有寤者有寐者倉猝之間殺傷百數十餘
人奪來槍枝刀矛數百件賊驚奔走自是改撲雖止而包圍仍未懈也

馬心勝駐防平涼

心勝一軍名爲隴東。助陝西之防護餉保商外亦可待爲後路策應。令其膏車駐馬。候調遣。羽檄一到。卽行開拔。不得自作防軍。以

致遲誤

案平涼大鎮原之舊名而移之。今府者也。晉析安定置平涼郡。治高平。隋因之。唐因之。宋於臨涇置平涼軍。唐睿移置平涼縣。今平涼之安國縣。武二鎮仍歸古原州管轄。後爲行涇州。此金所緣之以制今寧縣者也。漢晉則安寧所隸之涇陽。唐則原州之馬監。循今之名而昧古初。亦不達於義者矣。

回匪據北大通游擊王有德遁

西甯大通縣以毛白勝堡爲治。所距府治北二百五十里。爲游擊駐防處。是爲北大通。卽今之疊源縣也。由北

大通度達班山。出扁都溝口。卽至洪水營。去甘州不遠矣。若由八寶山至黃城灘。進攻涼州。可朝發而夕至矣。西甯縣首經甘涼。以北大通之如鯁在喉也。先謀打通路徑。王有

德本不知兵。北大通僻在偏隅。城內外皆回。城內與西甯甯通消息。而有德不知也。日言甘肅軍幣所迷惑。昏醉。至失城。而餘醉未醒。馬弁負之而逃。

慕壽祺曰。孔子曰。其身正。不令而行。其身不正。雖令不從。斯言誠不虛也。王有德失積石關。兵士幾無一生。還楊昌濬以同鄉故。不准不之罪。反令其統帶新軍。身之不正。綱維曷

立尤而效之。遂有王有德之放奠北大通矣。

總督令甘州永固城副將派兵嚴防扁都溝口

聞北大通失守。恐回匪由永安出局。部溝以擾甘州屬地也。故有此命。

前清武職分提
鎮副將九級
千總將為協
俗稱副將為
協如洗眼協
國協之類公文
招用已久作者
獨以副將標題

案永固在今民樂縣南三十里漢單于城前涼張氏之祁連郡也明天啓間
北夷插漢至此六畜不蕃遂栖息於祁連山清初海夷來大草灘縱牧康熙
八年己酉因蹟築壘設協以鎮之大草灘皆歷歷在目中也有所轄之大馬黑
城馬營城鼎立離內迤西三十里近有洪水為右臂遠有永昌高臺為聲援
一切口隘總在控制之列

又考永固城協康熙八年設守備一員馬步守兵三百二十二名十一年設
副將一員千總二員把總四員增馬步守兵六百二十五名十三年增馬
兵三十五名以上共額設馬步戰守兵九百八十二名雍正三年本營公費
馬糧更部步糧二十九分按補現兵七年於馬兵內考拔經制外委千總二
員把總二員十一年將守備改設都司

奏調甘肅鎮牛師韓統豫凱軍七營來甘助剿

是月二十日督撫見電報以直隸散勇有師韓豫凱七營亦在這中當務

處以甘肅兵備空虛應請督師將此軍調甘以資助剿當即電奏奉旨允許不費一錢而得勁旅可謂便宜後二日接大學士王文韶電謂師韓欲再添募十三營合爲二十營意甚要挾有遠水難救近火且非救火之水二語又復去電阻止師韓旋自認過且願前來此間以軍火甚多却之殊可惜也六月初二日奉上諭仍令牛師韓來甘助剿

幕壽祺曰人心之不足如此哉牛師韓豫凱七營已奉諭遣散矣在專制時

代而又處輦轂之下敢不惟命是從幸而甘督奏調原有勢力賴以保存是則初念所不及料者耳乃又請募十三營何望之有也意其人利欲薰心其

終無所成也固宜

巴燕戎格駐防軍隊爲礮伯回匪治主麻安朝主誘而敗之

此即蘇貴興所統之新疆三營也奉總督

命駐紮甘都堂堡是月二十六日據蘇貴興報於十四日被礮伯米拉溝之逆回治主麻安朝主所誘敗失去軍馬二百餘件兵士陣亡二百餘名先一日駐紮省城西鄉管帶王正紳率護回探十一名交營務處訊明乃礮伯良回馬萬德一家因逆回治主麻安朝主謀叛威脅萬德不從全家被害約同良回逃至省城避難行經崔家崖被正紳營勇盤查

誤認爲賊故有此舉前署張伯知縣易策諒認明提訊知爲冤抑又有漢紳李永年前來具保准予開釋彼族中亦有忠義焉萬德其一也

慕壽祺曰甘肅回教各有門宦門宦者卽掌教之別名彼族所稱爲老人家者也河州老教素聽命於馬永琳西甯穆教多聽命於馬維翰雖居狄道暗中與馬永琳聲息相通一致進行治主麻安朝主之叛繼嗣其有意乎噫河州之亂已成從此西甯之事日益緊張矣

西甯保甲分局拏獲河州女間諜

有回婦數人化男子裝來省密探消息被委員盤獲

案從戎草云同治回亂時匪首馬伯森之妾哈氏化男裝手執大旗指揮賊衆出入於鎗林彈雨間而宋督挫折民二十四年共黨由松潘犯洮岷遺偵衆多婦女其服裝與男子無異司空見慣亦不爲奇蓋古來婦女僞爲男子裝者衆矣人第知有木蘭與蜀壯元黃崇嘏耳不知更有唐三原縣孟媼媼

年二十六嫁張警警爲郭汾陽幕職媼之貌酷類警警卒遂爲丈夫衣冠稱
警弟求替職汾陽喜任之又有李抱玉主庫青衣后祭酒因亂時抱玉掩名
奏授國子祭酒又齊東陽女子妻逞變服爲男子遊公卿間仕至揚州議曹
從事又五代契丹入寇時陳州賊帥號白脰鴉者醜婦人稱男子姓名衣冠
拜跪以謁戎主戎主令招撫山東諸盜其屬數千無不服從有夫數十
人稍忤意卽手刃之而武則天之在嬰孺也已雄服而試相人者矣

六月賊謀馬似虎

一作馬福旺

以利誘襲湯彥和軍於雙城堡大破之彥和遁至岷

州

彥和奉總督令回援河州以顧根本於是月初十日由循化起靈堡進老鴉關十二日抵雙城堡距河州僅四十里時馬永琳閱伏英周奇試等環攻州城開彥和已進

關恐其直抵城下雷軍應於內則狼狽不堪矣迺遣馬似虎以利誘之諸彥和營言將軍從天而下回衆自此不復反矣軍士遠來疲甚請少憩馬上攜帶黃米三斗作晚炊已起爐竈矣黃米者隱語耳餽黃金三十當於暮夜無人時送至軍需處彥和心動下令軍中曰其日將暮軍駐宿來朝進城時武進士馬福祿以不從逆在彥和軍中作材官聞似虎

言大驚慨然曰毒哉此計將使全軍覆沒於此乎蓋謂似虎性狡黠衆所深知今者倍重
言甘其心不可測度請收回前令即日進城否則恐爲賊乘彥和不聽似虎又謂軍宜露
宿先探賊而後進彥和從之似虎遂糾各路賊席捲而至彥和急率數十騎潛渡大夏河
逃赴槐樹關官軍烏獸散賊乘之被殺及溺斃者六百餘名百姓隨之被害者二千餘人
開花礮及糧餉軍械盡以資賊河州城圍愈急雷正綰日夜求救以俟援軍賊
遂攻屠西鄉札地沙濱刀峽棹子山南鄉松鳴崖東鄉柳溝掌圍溝掌各堡寨

案雙城在河州西四十里爲漢枹罕縣地應邵漢書音義云枹罕羌侯邑也

漢因以置縣水經注灘水又東左合罕并南谿水十三州志曰廣大陂在枹

罕西北罕并在焉辛卯侍行記謂罕并在河州西尊家集其地距雙城十里

水經注灘水又東逕枹罕縣故城南又云灘水又東北故城川水注之考罕

并南谿水卽今老鴉關河故城川水卽今槐樹川水枹罕縣故城在已受罕

并水尙未受故城川水之間其爲今雙城無疑

慕壽祺曰軍不曉法何以平賊昔饒直之斬莊賈非深入也止於會軍而後

期耳孫武子之斬隊長非臨敵也不過美人以爲戲耳卒焉齊師勝晉吳人入郢委任專而法素行也湯彥和既至雙城不難直進河州乃爲匪黨甘言所惑一念之貪竟覆全師罪不容於死矣楊昌清婦人之仁不忍即誅尤而效之尙復成何軍法耶

賊攻河州幫帶鳳林營都司李振先陣亡

湯彥和急於援河孟浪輕進以致一敗塗地八方之賊聞之即乘間攻城甚急李部

司振先適在城奉提督雷正綰令開西門迎勦奮勇殺賊爲賊所殺賊益攻城

以李良穆署河州鎮總兵兩江補用副將陳宗藩統領新併河鎮四營

湯彥和逃至岷

州總督聞之大怒卽撤任奏參請旨懲處檄李良穆署河州鎮總兵並委陳宗藩協銀一萬兩前往狄道將雙城堡潰卒收集汰弱留強併爲四營卽令宗藩統帶以便相機進剿

案河州鎮總兵湯彥和統帶所部長字營潘長清鎮南中營蘇永發鎮南左

營朱昇連鎮南右旂李長發鎮南練軍步隊劉忠亮鎮南練軍馬隊金恆林

國士軍前死
或人帳下死
或人帳下死
或人帳下死

肅西左營易慶安武毅右旂羅龍奉調由起臺堡開役入老鴉關抵八百
寺長驅直進至距河州四十里之雙城集受回愚弄毫無準備賊四面環攻
湯軍力不能支因乘雨夜度灘水衝出槐樹關士卒傷亡及溺斃者不少槍
礮軍裝亦多遺失金恆林劉忠亮易慶安均受重傷當經總督委副將陳宗
藩前往經理將各營旂裁併整頓羅湜龍劉忠亮當時更換以總兵李大秋
游擊盧錫昌帶領其軍

幕壽祺曰陳宗藩六月初抵蘭適湯革鎮彥和十三日在雙城子與賊接仗
所統老湘軍八營同日潰敗委宗藩收集潰卒遲遲三月所併之營猶未整
齊督署飭令來省躬自調度已不堪統領之任矣八月二十八日在省用四
百金私取鄧姓職官之女爲妾司道以宗藩勇於漁色忽於治軍會同詳揭

當道仍置若罔聞可怪也

西甯道府告急

以西甯西北兩川同子同時叛逆大通縣亦被圍始告急先是五月十一日大通縣卡委員袁光偉稟縣城東二十里有回民馬伏海者謀為叛

逆以助撒拉因事洩漏恐官拏辦於前月二十日夜自將妻女殺斃舉火自焚其宅遂自刎而死是四月間大通同子已謀叛至是始有圍城之舉官紳求兵求餉求軍火均無以應

案西甯西川即伯顏川距西甯三十里西川之田皆伯顏渠所溉北川即長甯川距西甯五十里水經注云水出松山合養女川南入湟水晉置長甯縣於此今為長甯堡二川多水田向與漢雜居餘見第十三卷嘉靖四年間四月注大通縣在西甯府北一百二十里與北川壤地相連

西甯賊首韓文秀等糾衆犯鄧增營

逆首韓文秀馬成林糾眾同數萬分三路犯鄧增營增分軍迎戰賊伏萬人於東山而以老羸

距西山之巔為疑兵又列騎賊於平川誘官軍趨西南增先以番兵循東山之麓及南賊狀知有伏復令騎兵扼其衝俄頃賊伏果起番兵不能抵三路賊齊來接戰官軍將卻增急出戰將士怯不進乃手刃偏將一諸將皆躍馬陷陣奮斃賊首馬成林賊始潰官軍傷亡亦多哨弁孫泉清師興堂死之增料賊必復來於是調茶舖一帶十族昂哨番兵及南川土兵包圍賊寨以備策應次日平明賊果集官軍乘其未成列擊之賊方死戰忽驚逸其巢已為番兵焚毀賊遂不敢復出而西甯南北西川大通碾伯丹噶爾應賊

同時
皆叛

署涼州鎮總兵劉璞在審街為賊所敗傷亡兵士二百餘人軍裝亦失此十七日事也

詔喀什提督董福祥統帶馬步三十營督辦甘肅軍務福祥前因太后六旬萬壽以新疆喀什喀爾提督晉

京祝嘏部保衛京畿極為稱贊對人曰董某威振西陲戰功卓著北門鎖鑰其在新人飭令招集舊部保衛京畿福祥遣田營務處星夜回甘招募舊部其中如何得彪同治時在牛站帶團與馬占鰲血戰以石擊傷占鰲右目張明鑫昔年保衛肅州等處為人所忌久賦閒居張行年從征金積堡攻克逆巢王得勝昔年隨湘軍克復肅州等處為人所忌久賦閒居張行志光緒初因訟案牽連徒步出關全喀什噶爾會帶提標十八哨他若姚旺喬兆福馬鴻朝姚炳義張長隆洪瑞等或流落鄰省或從事田疇或為人作傭或不能餬口窮無聊賴忽遇風雲又調循化營游擊馬安良總督薦鄉人董陽春唐鳳輝皆編練成營駐紮南園河浪亂起楊昌濬措置乖方王正坤失險於積石關湯彥和覆軍於雙城堡雷正綰被圍於河州牛師韓所統豫軍七營尚在直隸福祥兩次自請援甘幸沐允從因係桑梓之邦不得不盡心竭力以慰父老之望恭邸恐有人之掣肘也奏請福祥督辦甘肅軍務准其專摺奏事此令頒佈後福祥甫出都門亂黨謀響應河州者聞風斂迹甯靈廳等處賴以保全至陝西與巡撫張旭籌商進兵事宜決定抵甘後暫不進省駐大營於狄道俟河州肅清以乘勝之師勦平西甯